

PROGRAMMA

QVO

SUO, AC TOTIUS JURIDICI COLLEGII NOMINE *15.*
AD

INAUGURALEM DISPUTATIONEM

VIRI PRÆNOBILIS ATq; DOCTISSIMI,

CHRITSIAN WILHELM Böttic

SAXO-LAUENBURGENSIS

JURIS UTRIUSQVE CANDIDATI FULGIDISSIMI,
DE

PRÆROGATIVIS PRINCIPUM SACRI RO- MANI IMPERII

Von den Vor-recht der Deutschen

Fürsten des Heiligen Römischen Reichs

PRO SUMMIS IN UTROQUE JURE HONORIBUS, ET PRI-
VILEGIIS RITE CONSEQUENDIS

AD DIEM XXIIIX. MENSIS APRIL. 1698. HORIS PRO ET POMERIDIANIS

IN AUDITORIO MAJORI.

BONO CUM DEO HABENDAM

MAGNIFICUM DN. RECTOREM, UTRIUSq; REIP. NO-
BILISSIMUM. ATq; AMPLISSIMUM SENATUM, OMNESq; OMNI-
UM ORDINUM CIVES ACADEMICOS, AC LITERARUM
FAUTORES, OFFICIOSE, AC OBSERVANTER INVITAT,

JOHANNES Klein.

J.U.D. ET PANDECT. IN ALMA PATRIA DUCALIS

PROF. PUBL. CONSISTOR. MECKLENB h.t. DIRECTOR.

HODIEq; PRO - DECANUS.



C. B. D.



Aximas, easque

ferè inextricabiles
non inter *diverse* duntaxat
Dignitatis, sed illos etiam, qui
eadem sorte censentur, *Sacri Ro-*
mani Imperii Ordines jam o-
lim arfisse, & hodiernum ad-
huc cum ineffabili Reipublicæ
incommodo de PRÆRO-

GATIVA, ac PRÆCIPUO, quò Statum Sta-
tus vincere cupit, JURE, continuari, singu-
lisque fere Comitibus recrudescere contentiones, mul-
tis aliis rerum argumentis brevitatis amore jam
consultò prætermisissis silentiò, non tantum ex variis de
Sessionis. Processionis, & Suffragiorum Prærogativâ inter
omnes Imperii Status frequentissimè in Imperii publi-
cis Conventibus motis gravissimis altercationibus, sed
& inde potissimum manifestum evadit, quod
non semel contra Electorum molimina, in concipiendis
Capitulationibus Cæsareis sortem inter reliquos Imperii
Ordines suam multis eminentiorum jurium Prærogati-
vis

vis eminentiorem subinde facere annitentium, solenni contradictione & protestatione SE, SUAQUE tueri JURA Principes inprimis non Electores, illorumque ad Comititia missi Legati fuerint necessitati. Non vacat quidem jam ex Limnæo, Carpzovio, Becmanno; Schwedero, Sprengero, Fürstnerio, Hermes, Crügero, Gothofredo, Grusio, aliisque quamplurimis Juris publici Doctorum Commentariis, & scriptis, dictis, de quorum veritate, qui non planè in Historiâ & Jure publico hospes audire vult, nemo facile ambiget, fidem conciliare, cum præter benè multos Imperii Recessus, quos Fritschius in eleganti *De Jure Alternandi* cummulavit Dissertatione, datæ ad Imperatorem Carolum. V. de certo Imperii Principibus, de Prærogativâ dissidentibus, Ordine præscribendo Literæ Electorales, ab Excellentissimo Becmanno in *Dissert. De Prærogativâ*, c. 1 §. 4. exhibitæ, id satis evictum eant; Ut hinc haud invitâ dixisse videatur veritate, Zomoiscius, Magnus Poloniae Cancellarius, *Germanos in suis Comitibus ferè nihil agere, quàm ut de Sessionibus digladiantur*. Vid. Herman Kirchner. *L. 2. De Legat. c. 5. n. 78.* & Carpzov. *De Leg. Reg. Germ.* c. 1. §. 7. n. 16. Certè, quem novissimè contra conceptam ab Electoribus Leopoldinam & Josephianam Capitulationem, Principum Imperii Monita, hisq; ab Electorali Collegiò in præcipuis illorum capitibus non attentis, interpositæ eorundem Protestationes, (quas Eitel Friedrich von Heerden in *Tract. Grundfest des Heil. Römischen Reichs* & Johan. Christian. Muldener. in *Harmonie, Capitulatione in Append. p. 185. seq. Lit. A. B. C. D. E. & F.* exhibent) non fugiant, haud invitus fatebitur, assertum in illis

ab Electoribus *sibi solis*, reliquis Principibus exclusis
 omnibus, cum Imperatore jus concedendi facultatem
 (1.) monetam cudendi, ac Officinam Monetariam ha-
 bendi. *Vid. Leopold. Capit. art. 34. & Joseph. art. 33.* (2.)
 Nova vectigalia instituendi, aut instituta augendi. *Vid.*
Capit. Leopold. art. 21. & 24. & Joseph. art. 20. (3.) Aper-
 ta Imperii Feuda Regalia Majora aliis iterum in feu-
 dum dandi, aut super ipsis exspectantias, impertiendi
Vid. Capit. Leopold. art. 30. & Joseph. art. 29. (4.) In Pro-
 cures & Membra Imperii Banni Imperialis fulmen evi-
 brandi, & Bannitum in pristinum statum restituendi.
Vid. Leopold. Capit. art. 28. & Joseph. art. 27. (5.) Bona-
 que Imperii alienandi, vel obligandi, *Vid. Capit. Leopold.*
art. 12. & Joseph. art. eod. tantum abesse, ut reliqui Impe-
rii Principes ipsis ut Præcipuum quierè hætenus conce-
 serint, ut potius, se ad administrationem summorum
 horum Jurium æquatoriò cum Electoribus admitti jure
 urserint instantissimè. Ut nihil jam dicam de illis Princi-
 pum non Electorum multoties, & singulis ferè Comitibus
 hætenus interpositis protestationibus, contra Electro-
 rum *sibi solis* (6.) tributum jus Capitulationem novo ele-
 cto Romanorum Regi præscribendi, inque illâ præcipu-
 am sibi præ reliquis Imperii Statibus sortem firmandi,
 deq; (7.) prætensâ ab Electoribus Prærogativâ, Summum
 Imperii Caput ex electionis lege, iterum deponendi,
 & (8.) ab ipso factam Imperii Resignationem acceptandi;
 Hæc enim licet jura Electoribus, ut præcipua, magnò nisu
 asserant, qui illorum partibus favent, interque illos nu-
 perrimè Dn. Gröger. in *Tract. De Fulgentissimis Novem vi-*
rorum juribus. Part. Spec. Memb. 2. Disc. 17. & 18. non de-
 esse

esse tamen, qui propitiò jurareliqvos Imperii Status hic
 etiam concurrentiam prætere possè, sustinent, non
 tantum ex illis, quæ pro Imperii reliqvis Ordinibus ad-
 duxere Fürstnerius. *in Tr. D. Supremat. Princip. Germ. c.*
38. & Strömmer. in Tract. De Reservat. Imper. Rom. Germ. sed
 & ex fusiùs à Præ Nobili atqve Doctissimò DN. CHRI-
 STIANO, WILHELMO, Hölstich / Saxo - Lauen-
 burgico, Juris Utriusque Candidato Dignissimo, in
 Inaugurali suâ, DE PRÆROGATIVIS PRINCIPUM
 SACRI ROMANI IMPERII, Dissertatione, cu-
 jus occasione hæc præfati sumus, deductis apricabitur.
 De cujus Ortu, Institutione, Studiorum Progressu, ac
 Jurisprudentiæ cultu jam nonnulla commemorare, in-
 stitutum Majorum exigit. Natus vero Hic est Annò
 Christi supra Millesimum Sexcentesium septuagesi-
 mò primo, vigesimò nonò Martii die, in pago Marien-
 Wald/ Ducatus Lauenburgici, non ignobili, Patre, Vi-
 rò Eximio, ac Spectatissimò DN. LUDOLPHO Höl-
 tich / Serenissimi ac Celsissimi Principis Dn. Julii
 Francilci, Inferioris Saxoniæ Ducis, Saltuarii, Matre-
 que Engel Reissnerè / Matronâ, pietatis ac Virtutum lau-
 dibus maximè conspicuâ, ipsò adhuc puerò, piè defun-
 ctis. Hi Optimi Parentes ultimum, ac carissimum Con-
 jugii sui pignus, mediantibus uberrimis baptismi fœde-
 ralis undis regeneratum, solidæ pietatis ornamentis à
 teneris efformandum unguiculis, privatis primùm com-
 misèrè Præceptoribus, qui nil eorum in ipsò informan-
 dò neglexerunt, quæ ætati, ac ingenio ipsius convenire
 rati sunt: Providâ verò Parentum, vix duodecimo æta-
 tis annò completò, orbatus curâ, plus quam paternum
 in Fratre suo Germanò, Viro Præ Nobilissimò, Amplis.

simo atque Consultissimo, DN. JOHANNE ADOL-
 PHO Höllich / J. U. D. & apud Lubecenses Causarum
 Patrono, pio, sincero, ac oppido fidei, Fautore ac Ami-
 co nostro æstumatissimo, expertus est affectum, jactu-
 ram Optimorum Parentum maximam vicariam operam
 abunde sarciente, quod devinctissimam agnoscit mente,
 Meque Interprete, grato publice Noster ore prædicat.
 Hic enim, cum in Candidato nostro habile ad Literarum
 studia adverteret ingenium, celebri Gymnasii Lubecen-
 sis eundem tradidit Præceptoribus, ut sub illorum, in pri-
 mis verò Admodum Reverendi, atque Amplissimi DN.
 ABRAHAMI HINCKELMANNI, tunc temporis
 Rectoris Celeberrimi, fidelissimiq; ingeniorum Forma-
 toris, ac Juventutis Magistri, postea verò S. S. Theolo-
 giæ Doctoris, ac apud Hamburgenses Pastoris optimè
 meriti, manu ductione majora eruditionis caperet incre-
 menta: Quò præeunte, in humaniori Literaturâ ac
 Philosophiæ primordiis satis imbutus, ad altiora appli-
 cavit animum, electoque ex Superioribus studiis juridi-
 cò, Optimi Fratris consilio Wittenbergensem A. O. C. 1691.
 adiit Academiam, omnis præclaræ literaturæ Metro-
 polim, allectus potissimum tamâ Virorum, undiqvâq;
 Celeberrimorum, interque illos Illustris STRYKII, mei
 & olim Francofurti Præceptoris, ad urnam usque æstu-
 matissimi, HEBERI, BERGERI, HORNII, ac
 incomparabilis Polyhistoris, Excellentissimi DN.
 Schurzfleischs. Nactus ibidem Hospitem est
 Virum præ-Nobilissimum, Amplissimum atq; Consultissi-
 mum DN. LEISERUM, Consulem illius loci Primarium,
 (cujus Filiâ olim Fratri suo, etiam post fata dilectissimo,
 Dn. FRANCISCO, HENRICO, Höllich / J. U. D.
 ejus-

eiusdemque antea Professori ibidem Celeberrimo, post-
ea Reip. Salzerusis, cujus ex Equestribus tantum con-
stat Senatus Familiis, Syndicò, optimè merito, nupta
fuit,) Affinem suum æstumatissimum, habitisque
sub auspicio Viri Admodum Reverendi, Amplissimi
atque Excellentissimi, DN. NEUMANNI, tunc
temporis Poësis, nunc verò S.S. Theologiæ Profes-
soris Famigeratissimi, Affinis itidem sui suavisimi, in
Oratoriis, & Excellentissimi DN. *Schurzleischs/ in*
Historicis & Jure Publicò Collegiis, leporissimum pri-
vatæ STRYKIANÆ, BERGERIANÆ, ac BREN-
DELIANÆ in utroq; Jure manuuctioni mancipavit,
quorum laudabili industriâ, docendiq; peritiâ, ac felicita-
te planè singulari id effectum est, ut juris elementa rectè
hauserit, & non inanem eruditionis umbram captaverit.
Ut verò, quæ feliciter decurrendo juris stadio adhuc de-
esse videbantur, expeditius ac auspiciatius procederent,
Illustri Dn. Strykiò ad noviter eâ tempestate surgentem
dirigendam, ornandamque Hallensem Academiam
Wittenbergâ avocatò, cupido Nostrum incesit, hanc
Varniacam nostram visendi Academiam, quam Fra-
tre suo Suasore Anno 1694. salutavit, meò & hospitio,
& in jure privatâ institutione per integrum, & quod
excurrit, triennium usus; Intra cujus temporis la-
psum cum universi juris cursum benedicente DEO bis
feliciter absolvisset, ex consiliò Suorum, habitâ studio-
rum suorum fiduciâ, præteritò Annò apud animum
constituit suum, summos in utroque jure honores ca-
pescendi licentiam impetraturus, Amplissimo FCtis
nostræ Ordini inter Candidatos eâ, quâ fas est, mo-
destiâ nomen suum profiteri: A quò ad rigerosius
examen

examen benivolè admissus, eò feliciter exantlatò, di-
gnus Excellentissimorum Dominorum Assessorum,
deputatus est suffragiis, qui voti, ac desiderii sui com-
pos fieret, quique studiorum suorum profectibus pu-
blicè habendâ Disputatione Jnaugurali probatis, sum-
mis in utroqve jure mactaretur honoribus; Cui
cùm dies hujus Mensis vigesimus octavus dictus sit,
Magnificum DN. RECTOREM, Utriusqve Rei-
publicæ Proceres Excellentissimos, Sacri Ministerii
Patres Reverendos, ceteramqve insignium Virorum,
& Academicæ Juventutis Coronam elegantissimam,
ac omnes Jurisprudentiæ, ejusqve honorum Fauto-
res & Æstimatores, ut huic Panegyri frequentes
adesse, sepositisque aliis curis, actum hunc Jnaugu-
ralem Magnificâ ac Honorificâ suâ præsentia ornare,
ac illustrare haud graventur, summopere
ac perhumaniter oro
rogoqve,

P. P.

ROSTOCHII

Sub Sigillò Facultatis Juridicæ

XVI. April.

Anno post Christum natum

MDCXC VIII.

